



Ráðhús Reykjavíkur - borgarráð

Ráðhús Reykjavíkur
101 REYKJAVÍK

Samstarfssamningur við Tjarnarbíó 2020-2022

Á fundi menningar-, íþrótt- og tómstundaráðs þann 13. janúar var lagður fram til samþykktar samstarfssamningur við Tjarnarbíó 2020-2022.

Samningurinn var samþykktur sbr. 5. lið hjálagðrar fundargerðar og er hér með vísað til borgarráðs.

Arna Schram
sviðsstjóri menningar- og ferðamálasviðs

Hjálagt:
Samstarfssamningur við Tjarnarbíó 2020-2022
Fundargerð 30. fundar menningar-, íþrótt- og tómstundaráðs dags. 13. janúar 2020

Menningar- og ferðamálasvið Reykjavíkurborgar kt. 530269-7609 annars vegar (MOF) og Menningarfélagið Tjarnarbíó kt. 590810-1180 hinsvegar (MTB), gera með sér svohljóðandi

Samstarfssamning um rekstur Tjarnarbíós

1. gr. Markmið Reykjavíkurborgar

Markmið með rekstri Tjarnarbíós er að skapa miðstöð fyrir sviðslistir og aðra menningarviðburði þar sem einstaklingum og hópum í menningarstarfi er gert kleift að leigja aðstöðu á viðráðanlegu verði. Vísað er til menningarstefnu Reykjavíkurborgar þar sem segir: „Mikilvægt er að styrkveitingar taki mið af því að mörkin milli listforma og ólíkra menningarheima eru í sífelldri endurskoðun. Auk þess að styðja við gróin verkefni sem hafa fundið sinn farveg, þarf borgin að hlúa að grasrótar- og tilraunastarfsemi sem oft er vísirinn að því sem koma skal.“

Tjarnarbíó skal þannig leggja áherslu á:

- að Tjarnarbíó nýtist sjálfstæðum atvinnuleikhópum fyrir sýningar – en jafnframt æfingar eftir því sem við verður komið.
- að Tjarnarbíó haldi áfram því blómlega starfi sem einn meginvettvangur nýsköpunar í íslenskum sviðslistum.
- að fjölbreytilegir menningarviðburðir njóti aðgangs að húsinu þótt starfsemi tengd sviðslistum sé í forgangi.
- að listuppeldi barna og unglinga sé sinnt.
- að Tjarnarbíó taki þátt, þegar því verður við komið, í hátíðunum sem Reykjavíkurborg fjármagnar og framkvæmir s.s. Barnamenningarhátíð, Vetrarhátíð og Menningarnótt
- að Tjarnarbíó taki þátt, þegar því verður við komið, í hátíðum sem Reykjavíkurborg styrkir s.s. Reykjavík Dance Festival, Jazzhátíð Reykjavíkur, Myrkir músíkdagar o.fl.

2. gr. Framlag Reykjavíkurborgar

Árlegt framlag Reykjavíkurborgar til MTB vegna Tjarnarbíós í beinum fjárframlögum er 20 m.kr. 2020, 21 m.kr. 2021 og 22 m.kr. 2022. Framlag borgarinnar greiðist inn á bankareikning: 101-26-100338.

Greiðsla framlags, alls 20 m.kr. skiptist þannig árið 2020:

janúar:	kr. 2.000.000	júlí:	kr. 1.000.000
febrúar:	kr. 2.000.000	ágúst:	kr. 1.000.000
mars:	kr. 2.000.000	september:	kr. 2.000.000
apríl:	kr. 2.000.000	október:	kr. 2.000.000
maí:	kr. 1.500.000	nóvember:	kr. 2.000.000
júní:	kr. 1.000.000	desember:	kr. 1.500.000

Greiðsla framlags, alls 21 m.kr. skiptist þannig árið 2021:

janúar:	kr. 2.000.000	júlí:	kr. 1.000.000
febrúar:	kr. 2.000.000	ágúst:	kr. 1.000.000
mars:	kr. 2.000.000	september:	kr. 2.000.000
apríl:	kr. 2.000.000	október:	kr. 2.000.000
maí:	kr. 2.000.000	nóvember:	kr. 2.000.000
júní:	kr. 1.000.000	desember:	kr. 2.000.000

Greiðsla framlags, alls 22 m.kr. skiptist þannig árið 2022;

janúar:	kr. 2.000.000	júlí:	kr. 1.000.000
febrúar:	kr. 2.000.000	ágúst:	kr. 2.000.000
mars:	kr. 2.000.000	september:	kr. 2.000.000
apríl:	kr. 2.000.000	október:	kr. 2.000.000
maí:	kr. 2.000.000	nóvember:	kr. 2.000.000
júní:	kr. 1.000.000	desember:	kr. 2.000.000

Framlög Reykjavíkurborgar vegna árána 2021 og 2022 eru með fyrirvara um samþykkt fjárhagsáætlunar hverju sinni.

3. gr. Markmið MTB

Tjarnarbíó skal vera heimili lifandi lista og grasrótarstarfs í listum. Megináherslur Tjarnarbíós verða eftirfarandi:

- að bjóða upp á fjölbreytta dagskrá af því besta og ferskasta í íslenskum sviðslistum
- að Tjarnarbíó vinni sér enn sterkari sess í hugum listamanna og landsmanna sem klasi sjálfstæðra sviðslista,- þar sem sköpunarkraftur, fjölbreytileiki, frumleiki og gæði fara saman.
- að Tjarnarbíó verði eftirsóttur vettvangur fyrir atvinnuleikhópa að setja á svið eigin verk
- að Tjarnarbíó verði leiðandi afl hérlendis í alþjóðlegu samstarfi í sviðslistum og auki veg sviðslista sem atvinnu- og útflutningsgreinar

4. gr. Framlag MTB

MTB tekur að sér rekstrarstjórn á Tjarnarbíói og er ábyrgt fyrir rekstri, skipulagningu og kynningu á starfsemi hússins.

- MTB skal gangast fyrir öflugri og samfelldri menningarstarfsemi í Tjarnarbíói á eigin vegum, í samstarfi við aðra eða með öðrum þeim hætti sem samræmist 1. og 3. grein og tryggir góða nýtingu á húsinu. Taka ber tillit til starfsleyfis, einkum hvað varðar hættu á truflun vegna hávaða.
- MTB ber ábyrgð á skuldbindingum sem það eða aðilar á þess vegum stofna til í tengslum við þennan samning. MTB er óheimilt að framselja greiðslur skv. samningi þessum til þriðja aðila og setja hann með öðrum hætti til tryggingar fjárskuldbindingu.
- Reykjavíkurborg er ekki ábyrg fyrir neinum öðrum greiðslum Tjarnarbíós en sem nemur þessum samningi og samningi MTB við eignaskrifstofu Reykjavíkurborgar.

5. gr. Kynningarmál

Á öllu kynningarefni Tjarnarbíós jafnt innanlands sem utan skal koma fram á áberandi hátt að rekstur Tjarnarbíós sé styrktur af Reykjavíkurborg og hún sé þess helsti bakhjarl.

- Reykjavíkurborgar skal þannig getið sem bakhjarls í öllu kynningar- og markaðsefni Tjarnarbíós með því að hafa lógó Reykjavíkurborgar sýnilegt.
- Tjarnarbíó skal gæta þess að geta Reykjavíkurborgar sem bakhjarls og samstarfsaðila í ræðu og riti þegar leikhúsið er kynnt í fjölmiðlum, þar sem því verður komið við og þykir eðlilegt.
- Hafa skal samstarf við Höfuðborgarstofu til að kynna og markaðssetja viðburði sem ætla má að höfði til erlendra ferðamanna. Í kynningarefni fyrir erlenda aðila skal lógóið Reykjavík Loves vera sýnilegt og notað #reykjavikloves á samfélagsmiðlum. Höfuðborgarstofa fær myndir af viðburðum og /eða má senda ljósmyndara til að afla markaðsefnis fyrir almennt

markaðsstarf fyrir Reykjavík í tengslum við Reykjavík Loves, þ.á.m. á vef- og samfélagsmiðlum.

6. gr. Hússtjórn

Hússtjórn Tjarnarbíós hefur eftirlit með rekstri þess og með efndum samnings þessa og fjallar jafnframt um viðhald og framkvæmdir. Hún er skipuð einum fulltrúa MOF, einum fulltrúa MTB og einum fulltrúa eignaskrifstofu Reykjavíkurborgar. Varamenn skulu skipaðir með sama hætti. Fulltrúi MOF gegnir formennsku. Formaður stjórnar boðar til stjórnarfundar þegar þurfa þykir – en að lágmarki tvisvar sinnum á ári. Hússtjórn getur boðað umsjónarmann fasteignarinnar á fundi sína. Þá getur stjórnin boðað aðra þá til fundar sem hún telur þörf á hverju sinni. Seta í hússtjórn er ólaunuð.

7. gr. Upplýsingaskylda og eftirlit

MTB skal senda hússtjórn Tjarnarbíós árlega starfs- og fjárhagsáætlun sína. Áætlun skal greina rekstrarlegt umfang starfsemi Tjarnarbíós á komandi ári, fyrirhugað samstarf og ætlað umfang starfsemi í húsinu. Þá skal einnig tilkynna hússtjórn um gjaldskrá einu sinni á ári eða jafnan þegar á henni verða breytingar.

MTB kynnir hússtjórn jafnframt árlega stöðu rekstrar og framgang starfsáætlunar og skal á sama tíma leggja fram áritaðan ársreikning rekstrarfélags um Tjarnarbíó.

MTB kynnir stöðu Tjarnarbíós og áætlanir fyrir menningar-, íþrótt- og tómstundaráði ef óskað er eftir.

Telji MTB hættu á að geta ekki uppfyllt samningsbundnar skyldur sínar skal hússtjórn tilkynnt um það skriflega án tafar. Telji hússtjórn misbrest á framkvæmd starfs- og fjárhagsáætlunar eða óviðunandi óvissu ríkja um rekstur starfsemi í Tjarnarbíói ber henni að tilkynna það menningar-, íþrótt- og tómstundaráði. Ef ekki tekst að endurskoða verkefnaáætlun þannig að markmiðum samningsins verði náð er heimilt að fella niður greiðslur þar til MTB hefur sýnt fram á að það muni standa við samningsbundnar skyldur sínar samkvæmt ákvæðum samningsins, en að öðrum kosti rifta samningnum.

8. gr. Gildistími

Samningur þessi er gerður í samræmi við samþykkt menningar-, íþrótt- og tómstundaráðs 13. janúar 2020. Samningurinn gildir frá 1. janúar 2020 til 31. desember 2022. Samráðsfundur aðila um mat og mögulega endurnýjun samnings fari fram í síðasta lagi í júní 2022 að frumkvæði hússtjórnar. Jafnframt er gerður fyrirvari um samþykkt fjárhagsáætlun Reykjavíkurborgar fyrir árin 2021 og 2022. Samningurinn er gerður í tveimur samhljóða eintökum og heldur hvor aðili sínu eintaki.

Rísi ágreiningsmál út af samningi þessum skal það rekið fyri Héraðsdómi Reykjavíkur.

Reykjavík, 13. janúar 2020.

F.h. Reykjavíkurborgar

F.h. Tjarnarbíós

Vottar að rétttri dagsetningu og undirskrift:

MENNINGAR-, ÍPRÓTTA- OG TÓMSTUNÐARÁÐ

Ár 2020. mánudaginn 13. janúar var haldinn 30. fundur menningar-, íþróttá- og tómsunduraráðs. Fundurinn var haldinn í Ráðhúsi Revkjavíkur og hófst hann kl. 13.34. Viðstödd voru: Hjalmar Sveinsson, Pawel Bartoszek, Elín Oddný Sigurðardóttir, Jorunn Pála Jónasdóttir, Katrín Atladóttir og Baldur Borgbórsson. Áheyrnarfulltrúi BÍL: Erling Jóhannesson. Eftirtaldir embættismenn og aðrir starfsmenn sátu fundinn: Arna Schram sviðsstjóri menningar- og ferðamálasviðs, Sif Gunnarsdóttir, skrifstofustjóri menningarmála, Huld Ingimarsdóttir, skrifstofustjóri fjármála og rekstrar, og Inga María Leifsdóttir, verkefnastjóri á skrifstofu menningar- og ferðamálasviðs, sem ritaði fundargerð.

Þetta gerðist:

1. Lögð fram tillaga að afgreiðslu styrkja menningar-, íþróttá- og tómsunduraráðs á sviði menningarmála samkvæmt tillögu faghóps skipuðum fulltrúum Bandalags íslenskra listamanna og Hönnunarmiðstöðvar Íslands. Einnig lagt fram heildaryfirlit yfir styrkumsóknir um styrki á sviði menningarmála 2020 og greinargerð faghópsins dags. 5. janúar 2020. Tillagan er færð í trúnaðarþók ráðsins og eru öll gögn þess trúnaðarmerkt. RMF19030006.

Samþykkt. Trúnaði um styrkveitingar verður aflétt við formlega úthlutun styrkjanna í janúar 2020.

Formaður ráðgefandi faghóps um styrki ráðsins á sviði menningarmála tekur sæti á fundinum undir þessum lið.

- Kl. 13.37 tekur Dóra Magnúsdóttir sæti á fundinum.

2. Fram fer kynning á starfsemi Sinfóníuhljómsveitar Íslands.

Lára Sóley Jóhannsdóttir, framkvæmdastjóri Sinfóníuhljómsveitar Íslands, tekur sæti á fundinum undir þessum lið. RMF20010004

3. Fram fer kynning á starfsemi Tjarnarbíós.

Ólöf Ingólfssdóttir, formaður stjórnar Menningarfélagsins Tjarnarbíós, tekur sæti á fundinum undir þessum lið. RMF20010002

4. Fram fer kynning á starfsemi Bíó Paradísar – Heimili kvikmyndanna.

Hrönn Sveinsdóttir, framkvæmdastjóri Heimilis kvikmyndanna, tekur sæti á fundinum undir þessum lið. RMF20010003

5. Lagður fram samstarfssamningur við Tjarnarbíó 2020-2022. Samþykkt. Vísað til borgarráðs. RMF20010002

6. Lagður fram skammtímasamstarfssamningur við Bíó Paradís janúar-júní 2020. Samþykkt. RMF20010003

Menningar-, íþróttá- og tómsunduraráð leggur fram svohljóðandi þókun:

Bíó Paradís við Hverfisgötu hefur öðlast sess sem mikilvæg menningarstofnun í Reykjavík. Bíóið hefur meðal annars verið vettvangur fyrir vinsælar kvikmyndahátíðir, menningarsamstarf við önnur lönd og skólasýningar fyrir grunnskólanemendur. Ráðið telur mikilvægt að leita leiða til að Bíó Paradís haldi starfsemi sinni áfram.

- Kl. 15:30 víkja Arna Schram, Sif Gunnarsdóttir, Huld Ingimarsdóttir, Erling Jóhannsson og Inga María Leifsdóttir af fundinum.
- Kl. 15:30 taka sæti á fundinum Ómar Einarsson, sviðsstjóri íþróttá- og tómstundasviðs og Helga Björnsdóttir, skrifstofustjóri hjá ÍTR sem tekur við fundargerðarritun.

7. Golfvöllurinn á Kjalarnesi – kynning.

Gunnar Páll Pálsson og Bjarni Pálsson taka sæti á fundinum undir þessum lið.

8. Fjölskyldu- og húsdýragarðurinn. Aðbúnaður og umhverfisauðgun dýra – kynning.

Sigríður Birna Björnsdóttir og Guðrún Pálína Jónasdóttir taka sæti á fundinum undir þessum lið.

Fulltrúar Sjálfstæðisflokksins leggja fram eftirfarandi bókun:

Fulltrúar Sjálfstæðisflokksins þakka góða kynningu og ítreka tillögu Sjálfstæðisflokksins sem lögð var fram á fundi borgarráðs þann 5. desember 2019 þess efnis að Húsdýragarðurinn standi undir nafni og haldi þannig eingöngu húsdýr sem unnt er að bjóða lífvænleg skilyrði. Ekki verði lengur haldin villt spendýr, fuglar, skriðdýr og önnur dýr sem þrífast best í villtri náttúru.

9. Fulltrúar Sjálfstæðisflokksins leggja fram eftirfarandi fyrirspurn:

Hvenær eru áætluð verklok á viðgerðum gamla kvennaklefans í Sundhöllinni? Hvernig er áætlað að inniklefarnir nýtist eftir að hann kemst í gagnið? Verður hann aftur kvennaklefi? Fyrir hverja verður ný kvennaklefinn?

Fundi slitið kl. 16:30.

Hjálmar Sveinsson

Pawel Bartoszek
Elín Oddný Sigurðardóttir
Katrín Atladóttir

Dóra Magnúsdóttir
Jórunn Pála Jónasdóttir
Baldur Borgþórsson